

## LEWIS ab EDWARD (fl. c. 1560), pencerdd

**Enw:** Lewis ab Edward  
**Rhyw:** Gwryw  
**Galwedigaeth:** pencerdd  
**Maes gweithgaredd:** Eisteddfod; Barddoniaeth  
**Awdur:** David James Bowen

o Fodfari, sir Ddinbych. Brodor oddi yno hefyd ydoedd Wiliam Tomos ab Edward, y copiyydd a enwir yn Peniarth MS. 112 (509). Adweinid Lewis ab Edward hefyd fel Lewis Meirchion, ond nid yr un ydoedd â [Lewis Môn](#) (fl. c. 1480-1527), fel yr awgrymir weithiau. Dichon bod ei farwnad i [Iemwnt Llwyd](#) o Lynllifon (bu farw 1541) ymhlith ei weithiau cynharaf. Bu yn neithior [Wiliam Llwyd ab Elisau](#) o Riwaedog ac Elsbeth ferch [Owain ap Siôn](#), Llwydiarth, 20 Hydref 1555, lle cyfansoddodd englynion dychan i [Ruffudd Hiraethog](#) (y 'cyff cler' yno). Graddiodd yn bencerdd yn eisteddfod Caerwys, 1568, a pherthyn felly i'r genhed'aeth olaf o'r prif benceirddiaid. Nid yw dyddiad ei farw'n hysbys, ond cynhwysir ef mewn marwnad i ugain o w r wrth gerdd a briodolir i [Wiliam Ll n](#) (bu farw 1580) ac i [Siôn Tudur](#) (bu farw 1602). Cyfeiria'r farwnad at ei ffraethineb a'i ddysg. Canodd i aelodau o deuluoedd [Bodeon](#), [Cochwillan](#), [Glynllifon](#), [Llyweni](#), [Plas Newydd](#), a [Rhiwaedog](#). Cyfeirir at ei lyfr achau yn Pen. MSS. 133, 134, a 135.

### Awdur

Yr Athro David James Bowen

### Ffynonellau

*Llawysgrifau Peniarth yn Llyfrgell Genedlaethol Cymru, Aberystwyth* 81 (127), 121 (215), 147 (203)

Archifau LIGC: [Llanstephan MS 125: Poetry](#) (32, 181)

N.L.W. *Swansea Manuscript* 1 (215)

*Jesus College Manuscript yn Llyfrgell Bodleian, Rhydychen* 15 (380)

*NLW MS 6496* (138)

J. C. Morrice, *Barddoniaeth Wiliam Llyn* (1908)

*Y Llenor: cylchgrawn chwarterol dan nawdd cymdeithasau Cymraeg y colegau cenedlaethol*, i, 789

### Darllen Pellach

Erthygl Wicipedia: [Lewis ab Edward](#)

### Dolenni Ychwanegol

Wikidata: [Q18535766](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.